

Haustlong, Thjodolf de Hvin

1. Hvé skalk góðs at gjǫldum  
gunnveggjar brú leggja

-----

raddkleif at Þórleifi.  
Týframra sék tíva  
trygglaust of far þriggja  
á hreingǫru hlýri  
hildar fats ok þjaza.

2. Segiǫndum fló sagna  
snótar ulfr at móti  
í gemlis ham gǫmlum  
glammi ó fyr skǫmmu;  
settisk ǫrn, þars æsir,  
ár (Gefnar) mat bó ru  
(vasa byrgi-Týr þjarga  
bleyði vændr) á seyði.

3. Tormiðluðr vas tívum  
tálhreinn meðal beina;  
hvat kvað hapta snytrir  
hjalmfaldinn því valda;  
margspakr of nam mæla  
mǫ r valkastar þ ru  
(vasat Hænis vinr hǫ num  
hollr) af fornum þolli.

4. Fjallgylðir bað fyllar  
fet-Meila sér deila  
(hlaut) af helgum skutli  
(hrafnásar vinr blása);  
ving-rǫgnir lét vagna  
vígfrekr ofan sígask,  
þars vélsparir vǫ ru  
varnendr goða farnir.

5. Fljótt bað foldar dróttinn  
Fárbauta mǫg Várar  
þekkiligr með þegnum  
þrymseilar hval deila,  
en af breiðu þjóði  
bragðvíss at þat lagði  
ósvífrandi ása  
upp þjórhloti fjóra.

6. Ok slíðrliga síðan  
svangr (vas þat fyr lǫngu)  
át af eikirótum  
okbjǫrn faðir Marnar,  
áðr djúphugaðr dræpi

dolg ballastan vallar  
hirði-Týr meðal herða  
herfangs ofan stöngu.

7. Þá varð fastr við fóstura  
farmr Sigvinjar arma,  
sás ǫll regin eygja,  
ǫndurgoðs, í bǫndum;  
loddi rǫ við ramman  
reimuð Jǫtunheima,  
en holls vinar Hœnis  
hendr við stangar enda.

8. Fló með fróðgum tívi  
fangsæll of veg langan  
sveita nagr, svát slitna  
sundr ulfs faðir mundi;  
þá varð Þórs of-rúni  
(þungr vas Loptr of sprunginn)  
mǫ lunaut, hva'ts mátti,  
miðjungs friðar biðja.

9. Sér bað sagna hrœri  
sorgæran mey fœra,  
þás ellilyf ása,  
áttrunnr Hymis, kunni;  
Brunnakrs of kom bekkjar  
Brisings goða dísi  
girðiþjófr í garða  
grjót-Níðaðar síðan.

10. Urðut brattra barða  
byggvendr at þat hryggvir;  
þá vas Ið með jǫtnum  
unnr nýkomin sunnan;  
gættusk allar áttir  
Ingvifreys at þingi  
(vǫ ru heldr) ok hárar  
(hamljót regin) gamlar.

11. Unz hrynsæva hræva  
hund ǫlgefnar fundu  
leiðiþirr ok læva  
lund ǫlgefnar bundu;  
þú skalt véltr, nema, vélum,  
- vreiðr mælti svá - leiðir  
mun stœrandi mæra  
mey apttr, Loki, hapta.

12. Heyrðak svá, þat (síðan  
sveik opt ǫ su leikum)  
hugreynandi Hœnis

hauks fló bjalfa aukinn,  
ok lómhugaðr lagði  
leikblaðs reginn fjaðrar  
ern at oðlis barni  
arnsúg faðir Marnar.

13. Hófu skjótt, en skófu,  
skopt, ginnregin, brinna,  
en sonr biðils sviðnar  
(sveipr varð í fqr) Greipar.  
Þat's of fátt á fjalla  
Finns ilja brú minni.  
Baugþák bifum fáða  
bifkleif at Þórleifi.

14. Eðr of sér, es jötna  
ótti lét of sóttan  
hellis baur á hyrjar,  
haug Grjótúna, baugi;  
ók at ísarnleiki  
Jarðar sunr, en dunði,  
móðr svall Meila blóða,  
Mána vegr und hó num.

15. Knóttuoll, en, Ullar  
endilóg, fyr mági,  
grund vas grápi hrundin,  
ginnunga vé brinna,  
þás hafregin hafrar  
hógreiðar framm drógu  
(seðr gekk Svólnis ekkja  
sundr) at Hrunnis fundi.

16. Þyrmðit Baldrs of barmi,  
berg, solgnum þar dolgi,  
hristusk björg ok brustu,  
brann upphiminn, manna;  
mjök frá móti hrökkva  
myrkbeins Haka reinar,  
þás vígligan, vagna  
vált, sinn bana þátti.

17. Brátt fló bjarga gæti  
- bōnd ollu því - randa  
(ímun) fqlr und iljar  
íss (vildu svá dísir);  
varðat hōggs frá hōrðum  
hraundrengr þaðan lengi  
trjónu trolls of-rúna  
tíðs fjollama at bíða.

18. Fjörspillir lét falla

fjalfrs ólágra gjalfra  
bǫlverðungar Belja  
bolm á randar holmi;  
þar hné grundar gilja  
gramr fyr skǫrpum hamri,  
en berg-Dana bæggði  
brjótr við jǫrmunþrjóti.

19. Ok hǫrð brotin hetju  
heimþingaðar Vingnis  
hvein í hjarna mœni  
hein at Grundar sveini,  
þar svát, eðr í Óðins  
ólaus burar hausu,  
stála vikr of stokkin  
stóð Einriða blóði.

20. Áðr ór hneigihlíðum  
hárs ǫl-Gefjun sára  
reiði-Týs et rauða  
ryðs hœlibǫl gæli.  
Gǫrla lítk á Geitis  
garði þær of farðir.  
Baugr þák bifum fáða  
bifkleif at Þórleifi.